

ders. meer du heueste den doet myt
 glorioser seghen verwonen. en̄ iden
 viertichsten dach bistu opghesteghe
 als een glorioser verwiner bouē alle
 hemelen en̄ enghelen. ende heffte dat
 vleysch dattu anghenomen haddest
 verhoghet bouen die enghelen in
 welken du een weynich verwiner
 weerste vanden enghelen **D**u heuest
 dinen ghelouighen ghegheuen voe
 le gauen voer een troestinghe in deser
 pelgrimagien **D** guedertiren here en
 wil ons niet laten vaderloes meer
 sende die belofte des vaders in ons dē
 gheest der waerh' oūmids wen wy
 ghestercket en̄ gheleert moten worde
 teghen alle wederstoet deser werlt.
 ende dat wy dy alheel mytten herte
 moeghen anhanghen. ende myt al
 re begheerten moeten sichten toe coe
 men daer wy weten onsen verlosser
 toe coemen woenen **D** here blijff myt